

叙



吾族自 彥明祖由江右遷

居茶陵傳派三而開三進十

八宏厥後分支遍大湖南北

百餘郡縣子姓之繁衍星羅

綦布幾不可以數計夫此不
可數計之衆非他固皆吾一
本之親非吾伯叔即吾昆若
弟子若姪也今且塗相遭而
誰何矣以一本之親而至於

塗人而誰何是豈其天性之
薄哉蓋其勢則然而敬宗收
族之道未明也然則通譜之
修顧可以已乎雖然通譜難
矣無論築室道謀三年不成

即協力一心而欲合百餘郡
縣不可數計之衆概為收錄
亦渺無津涘而功非可以歲
月啗以故吾族之士常竭憲
殫精而終有志焉而未逮夫

歆合百餘郡縣之族必先合
一郡一邑之族歆通百餘郡
縣之譜必先通一郡一邑之
譜一邑一郡之族合則百餘
郡縣之族無不可合矣一邑

一郡之譜通則百餘郡縣之
譜無不可通矣同治甲戌邑
中各紳耆倡建賓興堂廣為
勸募維時壩子塘峙夫學前
湘浦戚里鋪少陵錦石半林

赤江灣澤生相與計曰吾族
之未能合者無其機也賓興
之舉殆其機乎與其各支之
分捐孰如目勢以合族乃徧
告於各房父老僉聽其說欣

然樂從量力鳩資除繳賓興
捐款之外陸續所入尚存贏
餘遂於省垣合建試館規模
濶大計可居百餘人由是應
試之士至即如歸而吾族之

勢合復建祠於縣城之東南
奉 彥明祖以下五派及

遷潭各宏之祖歲時享祀奔
走在廟者非吾伯叔即吾昆
若弟子若姪也祭畢而燕醺

酒言歡而吾族之情益合嚮
之形聲隔闕者今則雍睦一
堂矣雖然勢合者必衷諸理
情合者必程諸法譜牒未聯
則源流莫辨昭穆不明長幼

親疏漫無差等是理與法未
盡合也非理非法何以示後
爰集各房支譜彙而總之由
何祖分派至何祖遷潭
悉心編校顏曰湘潭譚氏總

譜不敢僭曰通譜也繫領提
綱分門類叙體例與支譜稍
殊非敢自以為是所望後之
賢肖子孫踵事增華匡其不
逮由一邑而一郡由一邑一

郡而百餘郡縣罔不同條共
貫備舉無遺則是譜之修亦
可為騏驥率塗之老馬云

光緒八年壬午夏六月三十
派嗣孫澍青謹識